

中国文献珍本丛书

中国书院志 (九)

全国图书馆文献缩微复制中心

中国书院志总目录

第一册

虞山书院志（卷一—卷五）

第二册

虞山书院志（卷六—卷十）

第三册

虞山书院志（卷十一—卷十五）

第四册

长沙府岳麓志（卷一—卷四）

第五册

长沙府岳麓志（卷五—卷八）

第六册

长沙岳麓书院续志

第七册

白鹿书院志（卷一—卷十）

第八册

白鹿书院志（卷十一—卷十九）

第九册

嵩阳书院志

第十册

东林书院志

第十一册

南溪书院志

〔嘉靖〕山西通志中所载书院

〔乾隆〕平定州志中所载书院

〔嘉靖〕徽州府志中所载书院

〔嘉靖〕山东通志中所载书院

〔雍正〕崇安县志中所载书院

第十二册

- [乾隆]贵州通志中所载书院
[嘉庆]湖南通志中所载书院
[光绪]保定府志中所载书院
[雍正]河南通志中所载书院
[康熙]商丘县志中所载书院
[康熙]江西通志中所载书院
[乾隆]吉安府志中所载书院
[同治]铅山县志中所载书院

耿逸庵先生著

嵩陽書院志二卷

新忠堂存稿五卷

理學要旨二卷

均存

嵩陽書院志 上

敬恕主人編輯

壽陽書院志

麗澤堂藏板

序

嵩陽書院爲宋四大書院之一數百年來傾頽荒廢遺址泯滅無有人修復之者復之自逸庵先生始志之亦自逸庵先生始或曰國有史家有乘所以紀善惡寓美刺昭勸戒也例也書院曷爲乎志志書院志學統也學盡人而然矣曷爲乎志盡人而然不盡人而明也今夫道在天下上蟠下際學在人心貫古通今自天子以至於庶人皆有格物致知誠意正心修身齊家治國平天下之責者也是以無貴賤無小大

而皆從事於學此盡人而然者也但古之學者實以博學審問慎思明辨篤行之功以求盡乎君臣父子夫婦昆弟朋友之倫蚤夜孜孜自幼至老服習馴致故能內而明明德外而新民以庶幾乎參贊位育之極功後之學者但爲誦讀口耳之學而已其於聖人教人之意失矣此所謂不盡人而明也然則學不可返乎返其泛濫辭章之習而體之於身心返其馳騖爲人之意而專之乎性命學者皆有是心但無先覺以牖其知能之良是以貿貿焉莫知所適從卽其既

嘗從事於學或亦有殷殷向道之意然觀感未深德業寡助終不免見異而遷焉此皆承先啓後者之不能憖然於懷也故學欲盡人而明不可不亟謀講習之地使其專心志而責成功書院者所以教天下之英才而驅之於仁義道德之地也人人於斯學則人人爲仁義之士道德之儒矣相觀而起相講論而明相切磋砥礪而進相優游漸漬日新月異而樂由是光輝篤實粹而盎背而大由是手舞足蹈無非天理之流行而化由是處則係乎道統出則關乎世運無

非爲天地立心爲民物立命爲往聖繼絕學爲萬世
開太平而聖而神斯其學之所繫爲何如哉學之所
繫者重則書院不得輕書院之所需者亟則志書院
不容緩故曰志書院志學統也他日書院中誠有肩
學統其人者吾知其人可志其學可志其人與學爲
書院所重賴而與耿先生相與以有成者且均爲後
人之所志不然書院志矣而無人焉以與書院爲不
朽抑又何以自立焉是學者之責也夫是學者之責
也夫

康熙二十三年甲子春日柘城竇克勤序





世陽書院藏書



太室之陽有書院焉或曰書院無志不必志也而余
不謂然嵩陽書院宋藏經處兩程子置散投閒與群
弟子講學地也其地忽興忽廢忽盛忽衰自唐宋元
明以迄今茲政不知歷幾年所而今修復之而今取
而志之蓋可興不可廢可盛不可衰之意也云爾而
况前聖之微言大義學者之尊聞行知千百年之人
心風俗皆於是乎係之而何可不志夫書院僅周數
畝許耳其所傳殘碑斷碣存者不獲什一而其事實

又不若邦國四方之條目繁多可紀也然而書院志書院事也非他也志形勝則鍾奇儲秀書院之形勝也志沿革則薪盡火傳書院之沿革也志祀典則春秋再舉而俎豆常馨書院之祀典也志學田則禮耕義種講學以釋仁以聚而樂以安書院之學田也志藏書則今人與居古人與稽辨志離經書院之藏書也故曰書院志書院事也非他也不有茲志則人且以二室箕顓徒資遊人往來遊覽地也人且以莊老浮屠諸名勝與茲地存沒相等論也而且崇尚淫祀

祭非其鬼謂可邀福也而且沃土阡陌怙侈淫佚而
古之學者而今之學者卽無所資爲時祀贍養莫之
顧也而且馳騁百家人異學戶異習風雲月露競艷
誇靡而吾道宗旨終古如長夜也嗚呼不有茲志其
何以述往古詔來茲乎余年友耿逸庵倡明道學力
行嗜古爲士宗範時與邑侯牖如張公集諸子講學
課藝歷寒暑不輟作人之化猶歟盛哉而懼其典籍
弗傳也旁搜博採彙輯成書千聖之微言大義可得
而明學者之尊聞行知可得而正千百年之人心風

俗可得而維持其爲功不既大哉余因爲之贅曰補
缺修廢用表曩哲之踪崇正距邪永照千秋之鑑是
爲序

康熙壬戌孟冬之吉年弟郭文華題於主一草堂



序

嵩之有書也自傳元鼎始其別之而志之也自葉
慕廬之嵩山志家丘園世父之嵩高志始書院附
焉從未有耑書有之自耿逸庵太史始也按書院
在太室南五代周時建蓋與嶽麓睢陽白鹿天下
所稱四大書院者也宋至道初藏九經于其中是
年河南守臣上言甘露降于講堂云綦盛矣尋廢
洎明嘉靖間知縣侯泰修復之又廢迄今則又興
矣門庭孔峻堂廡翼然祭菜鼓篋有節也講習絃